



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

Vita Clementis Papae VII.

urn:nbn:de:hbz:466:1-15644

CLEMENTIS PAPÆ VII. VITA. 591

& apostolica auctoritate decernimus, quod ipsarum transfumptis, manu cuiuscumque notarii publici subscriptis, & sigillo alicuius curiæ, seu personæ in dignitate ecclesiastica constitutæ munitis, in iudicio & alibi, vbi opus fuerit, eadem prorsus fides adhibeatur, quæ adhiberetur eisdem præsentibus, si forent exhibitæ vel ostensæ.

Datum Romæ apud sanctum Petrum sub annulo piscatoris, die vigesima Iulii, millesimo quingentesimo vigesimotertio, pontificatus nostri anno primo.

Euangelista.

VITA

CLEMENTIS PAPÆ VII.

ANNO
CHRISTI
1523.

CLEMENS, cui antea Iulii nomen erat, Iuliani Medici filius, a Leone patruele primum archiepiscopus Florentinus, mox cardinalis creatus, vniuersæ reipublicæ curam suscepit. Quæ bene administrata, post Hadriani mortem, cardinalibus Columna, & Cornario fauentibus, pontifex renunciatus est, anno Domini millesimo quingentesimo vigesimotertio, decimoquarto Kalendas Decembris, tempore Caroli quinti imperatoris. Tertio pontificatus anno iubileum celebrauit. Post Borbonii a Gallis defectionem, Clemens Caroli potentiam pertimescens, inita prius cum Venetis societate, sese medium inter utrosque constituit, & eorum dissidia componere summo studio conatus est. Columnenses ingentibus coactis copiis instructi ad regnum Neapolis pro Carolo custodiendum, adsunt cum Hugone Moncada, ædesque pontificis, nil tale metuentis inuadunt. Is fuga arrepta, in Æliam arcem se recepit, neque inde egredi ei licuit, quin Columnensibus venia promissa, exercitum e Gallia cisalpina reuocandum in se reciperet. Principibus tamen viris intercedentibus, & prorege Lanoio conciliante, ad pacem ventum est, & pontifex omnem exercitum dimittit. Quod vt sensit Borbonius, illico exercitum Cæsaris Romam admouet, Urbem contra fidem publicam capit, & diripit miserrime: quod facinus nemo antea Gothorum & Vandalorum temporibus ausus fuerat. Clemens in

Clemens
quando
pontifex
factus?

Clemens
captus.

Roma ca-
pta.

Hadriani arce diu obsessus, ad deditiōem compulsus, multoque arce redemptus, Columnensibus veniam, si quid deliquissent, concessit. Post septem menses liber e custodia euasit ementito habitu, & in urbem Veterem perductus est: inde rursus amicitiam & affinitatem cum Carolo contraxit, quem in Italiam profectum Bononia coronauit, cuiusque auxilio Florentiam obsedit; receptaque, Alexandrum pronepote[m] ei ducem præposuit. Henricum Angliæ regem excommunicauit, quod coniugem suam Caroli materteram repudiasset. Cum Carolo aliisque principibus Italiæ sex mensium fœdus iniit. Franciscum regem Massiliæ conuenit, eumque sibi noua affinitate coniunxit. Catharinam enim Medicem pronepote[m] suam regis filio natu minori nuptam dedit. Ad Urbem reuersus, literas salutationis a Dauide rege Æthiopiæ, longe disiunctissimo, accepit; quibus lectis magnam animo lætitiā concepit. Huius temporibus secta Lutheranorum diuisa est in Zuinglianos, Carolstadianos, Lutheranos, Anabaptistas. Habitis in Heluetia, Hassia & Bohemia conuenientibus disputationibus & colloquiis, ut vocant, synodalibus, frequenter quidem tentatum est, ut concordarentur, sed frustra. Thoma Muntzero auctore, prætextu libertatis euangelicæ, exortum est bellum Rusticanum perniciosissimum. In Spirensibus comitiis permissum fuit ut in fidei & religionis negotio nihil deinceps usque ad Concilium innouetur. Sectarii se decreto isti subscribere non posse protestati, ad Cæsarem appellarunt, dictique hac de causa Protestantes, confessionem suæ perfidiæ, a Melanchthone Græce & Latine conscriptam, ter quaterve mutatam, in celeberrimis imperii comitiis Augustæ, anno sequenti habitis, obtulerunt. Clemens obiit anno Domini millesimo quingentesimo trigesimoquarto, septimo Kalendas Octobris, cum longo & difficili morbo antea laborasset, sedissetque annos decem, menses totidem & dies septem.

CONSTI-